0.0.1 catutthadevacutisuttam

- 1. atha kho bhagavā parittam nakhasikhāyam pamsum āropetvā bhikkhū āmantesi: "tam kim maññatha bhikkhave, katamam nu kho bahutaram, yo cāyam mayā paritto nakhasikhāyam pamsu āropito, ayam vā mahāpathavī"ti.
- 2. "etadeva bhante, bahutaram yadidam mahāpaṭhavī. appamattakoyam bhagavatā paritto nakhasikhāyam pamsu āropito. saṅkhampi na upeti, upanidhimpi na upeti, kalabhāgampi na upeti, mahāpaṭhavim upanidhāya bhagavatā paritto nakhasikhāyam pamsu āropito"ti.
- 3. evameva kho bhikkhave, appakā te sattā ye devā cutā manussesu paccājāyanti. atha kho eteva bahutarā sattā ye devā cutā niraye paccājāyanti. tam kissa hetu? adiţṭhattā bhikkhave, catunnam ariyasaccānam katamesam catunnam? dukkhassa ariyasaccassa dukhasamudayassa ariyasaccassa dukhanirodhassa ariyasaccassa dukkhanirodhagāminīpaṭipadāya ariyasaccassa.
- 4. tasmātiha bhikkhave, "idam dukkhanti" yogo karanīyo "ayam dukkhasamudayo"ti yogo karanīyo "ayam dukkhanirodho"ti yogo karanīyo "ayam dukkhanirodhagāminī paṭipadā"ti yogo karanīyoti.